



UKA16 / 83

25.07.16

Inatsisartut suleriaasianni § 33 naapertorlugu Naalakkersuisut peqquneqarnissaannik Inatsisartut aalajangiiffigisassaattut siunnersuut matumuuna imaattoq saqqummiupparput:

Qaasuitsup Kommuuniata avinneqarnissaa pillugu Naalakkersuisut kingusinnerpaamik UKA17-imi peqquneqarnissaannik Inatsisartut aalajangiiffigisassaattut siunnersuut. Naalakkersuisut siunnersuusiorderminni aallaavigissavaat, Qaasuitsup Kommuniani kommunalbestyrelsep 29. Juuni 2016-mi ataatsimiinneranni kommunip nutaamik ilusilersorneqarnissaanut aalajangiunneqarsimasoq. Siunnersuutip aamma Naalakkersuisut Siulittaasuata siusinnerusukkut oqariatuutigisimasaat aallaavigissavaa, maannakkut Qaasuitsumut bloktilskuditut tunniunneqartartoq aningaasaqarnikkut Qaasuitsumi kommunit nutaat aallaavigissagaat.

(Inatsisartunut ilaasortat, Siverth K. Heilmann, Steen Lyngø, Atassut)

Tunngavilersuut:

Nunatsinni Kommuunit oqaluttuarisaaneranni aaqqissuusseqqinnerit annersaat 2008-mi atuutilersinneqarpoq, taamanikkut “ikaarsaariarnermi Ataatsimiititaliat” qinerneqarmata. Kingorna 2009-miit kommuunit nutaat sisamat atuutilerput. Kommuunit aaqqissuuteqqinnerini siunertaq ataatsimut isigalugu, aningaasartuutikillisaanermik, tamat oqartussaaqataanerannillu eqaallisaanissamik, innuttaasut sullinneqarnerat pitsanngortinniassallugu siunertaalluni. Oqaatigisariaqarporlu, ajuusaarnaqisumik tamanna anguneqanngilaq. Innuttaasut sullinneqarnerat, allatigullu kiffartuunneqarnerat eqarsisisimavoq, amerlasuutigullu sullinneqarneq kinguariarsimavoq, isumaginninnikkut, sanaartornikkut, taamatullu inunnut toqqaannartumik sullissinikkut, sulisoqarnikkut, inatsisinillu ilaatigut naammassinninniarneq unamminartarsimavoq, kommuunit ilarpassinut. Aningaasaqarnikkut pingaartumik Qaasuitsup Kommuunia annertuumik aallaqqaammullu ajornartorsiorsimavoq. Kommuuni isortartooq, 2015-mi 17.200-it missaannik innuttaqarpoq. Illoqarfiit arfineq pingasut (8) nunaqarfiit 31-it, kommuuni 1600 km isorartutigivoq, annertussusaa 660.000 km².



Qaasuitsup kommuuniata avinneqarneratigut, marlunnik, pingasunngorluguluunniit, tassuunakkut kommuunit nutaat, pitsaasumik aallararteriarnissaannik periarfissiinerussasoq. Innuttaasut peqataatillugit sullissineq, inuussutissarsiornikkullu aallariarneq nutaaq pilersinneqassaaq. Kommuunip avinneqarneranut aningaasartuutigiumaagassat, maannakkut kommuuniusoq, Qaasuitsup Kommuunia, Namminersorlutik Oqartussat-Illu suleqatigiillutik aaqqissuutissavaat.

Qaasuitsup Kommuniani kommunalbestyrelsep 29. Juuni 2016-imi ataatsimiinneranni ilaatigut BDO'p nalunaarusiaa ukioq manna suliarineqarsimasoq oqaluuserineqarsimavoq.

Kommunalbestyrelsillu ataatsimiinnerannit imaqarniliornermi ima ilaatigut allassimavoq:

”Qaasuitsup Kommuniata kommunitut avinneqarnerani kinguneqaatissat pillugit BDO-p nalunaarusiaa, Naalakkersuisunit inniminnerneqarsimasoq maanna naammassisimalerpoq. Suliamik saqqummiussineq:

Kommunip avinneqarneranut atatillugu aningaasaqarnikkut aamma allaffissornikkut kinguneqaatissat kiisalu iluaqutaasinnaasut qulaajaaffiginissaat nalunaarusiornermi siunertaavoq. Kommunip avinneqarnissaa pillugu isumasiuilluni taasisitsinissaq sioqqullugu, Qaasuitsup Kommuniani innuttaasut aningaasaqarnikkut aamma allaffissornikkut kinguneqaataasinnaasut pillugit ersarissumik naammaginatumillu paasissutissinneqarnatillu ilisimatinneqarsimanngitsut Naalakkersuisut isumaqarmata, nalunaarusiaq inniminnerneqarnikuvoq. Taamaattumillu tunngavissamik naammatt-tunik ilisimatitsissutinik peqarnani taasisitsineq ingerlanneqarsimasorinarpoq. Aningaasaqarnermut ataatsimiititaliap ullormut oqaluuserisassaata naammassineqarnissaa sioqqutitsiarlugu nalunaarut tiguneqarnikummat, aallaffeqarfiup aallarniutigalugu maluginiaqqussavaa. Taamaattumik nalunaarusiamik, taassuma tunngavissaatitaanik aamma taassuma inerniliuusaanik misissueqqissaarnissamut nalilersuinissamullu periarfissaqartoqarsimanngilaq. Taamaattumillu nalunaarusiap immikkoortui 8 aamma 9, qallunaatuuani qupperneq 50-imiittut Aningaasaqarnermut ataatsimiititaliamut maluginiaqquneqassapput, taakkunani inerniliuussisoqarlunilu taakkartuisoqarmat.

Pingaarnertut inerniliussat ilaatigut makkuupput:



ATASSUT INATSISARTUNI

- *Kommunik mikinerusunik nutaanik pilersitsisinermit aamma ingerlatsinermit atatillugu annertuunik aningaasartuuteqarnerusoqassaaq*
- *Naalackersuinikkut aqutsinermit ukiumut aningaasartuuteqarnerlerneq pissaaq, 3,2 aamma 8,5 mio. kr.-inik naleqartunik.*
- *Allaffissornermit ukiumut aningaasartuuteqarnerulerneq pissaaq, 6,2 aamma 12,4 mio. kr. - inik naleqartunik.*
- *Taamaalilluni ataatsimut isigalugu avitsinerup kingunerisaanik ukiut aningaasartuuteqarnerulerneq pissaaq, 9,4 mio.kr. aamma 20,9 mio. kr.-it missaanik naleqartunik.*
- *Kommunit katitigaanissaanni nutaani arlaqartuni, illersorneqarsinnaasumik aningaasaqarnikkut ingerlatsinissaaq ajornakusuussaaq.*
- *Kommunit allat pitsaanerusumik aningaasaqarnikkut atugaqarlersussaapput.*
- *Kommunini UUQ-mi, AKQ-mi aamma AKQQ-mi innuttaasunut tamanna ima kinguneqassaaq, innuttaasoq ataaseq ukiumut 5.267 kr.-it aamma 6.443 kr.-it akornanni akileraarutinut akiliinerusalissasoq imaluunniit taakku naleqqataanik allaffissornikkut sipaaruteqartoqartariaqassaaq imaluunniit kiffartuussinerup qaffasissusianik allaasoqartariaqassalluni.”*

Kommunalbestyrelsip ataatsimiinnerata kingorna imaqarniliornermi ima ilaatigut allassimavoq, kommunalbestyrelsip aalajangersimasoq kommunip imatut avinneqarnissaa:

”Kommunalbestyrelsip aalajangerpaa Qaasuitsup Kommunian marlunngorlugu avinneqassasoq:

Ilulissat – Uummannaq – Upernavik aamma Qaanaaq.

Aasiaat – Qasigiannugit – Qeqertarsuaq – Kangaatsiaq.”

Taamaattorli suli ATASSUT-mit aalajangiusimavarput, piaartumik iliuuseqartoqartariaqartoq,



Qaasuitsup Kommuniani innuttaasut kommunimi minnerunngitsumillu aamma illoqarfinni nunaqarfinnilumi ataasiakkaani qanoq siunissami pisoqassanersoq erseqqissumik paasiniassammassuk.

Pisortanut aningaasatigut allaffissornikkullu kingunerisassai:

Naatsorsuutigisariaqarpoq ataatsimiitsitaliap sulingasuartussap sulinera allaffissornermi atugassarititat ukiup affaanut sulinermut naatsorsuutigineqarsinnaasoq, ukiumut 500.000 kr.-nik, tassa imaassalluni katillugit 250.000 kr.. Tassani nutserineq aamma siammarterineq ilanngullugit.

Inuussutissarsiornermut aningaasaqarnikkut allaffissornikkullu kingunerisassai:

Soqanngilaq

Innuttaasunut aningaasaqarnikkut, allaffissornikkullu kingunerisassai:

Nalunaarusiornermut atatillugu soqanngilaq.